



MEMBER)



ԾԵՄԱՐԱՆ
LYCEUM

ԿՐՏԱԵՐ ԴՊՐՈՅԻ ԸՆԴՈՒՆԵԼՈՒԹՅԱՆ ՔԱՂԱՔԱԿԱՆՈՒԹՅՈՒՆ

ՀԱՍՏԱՏՎԱԾ 01. 03. 2024





ԲՈՎԱՆԴԱԿՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ	3
2. ԱՌԱՋԻՆ ԴԱՍԱՐԱՆԻ ԸՆԴՈՒՆԵԼՈՒԹՅԱՆ ԳՈՐԾԸՆԹԱՑ	5
3. 2-4-ՐԴ ԴԱՍԱՐԱՆՆԵՐԻ ԸՆԴՈՒՆԵԼՈՒԹՅԱՆ ԳՈՐԾԸՆԹԱՑ	7
4. ԱՆՀՐԱԺԵՇՏ ՓԱՍՏԱԹՂԹԵՐ	8
5. ՊԱՅՄԱՆԱԳԻՐ	8
6. ՀԵՏԱԴԱՐՁ ԿԱՊ	8
7. ՀԱՎԵԼՎԱԾ	9



Հայաստանում Միջազգային բակալավրիատի (International Baccalaurate – IB) (այսուհետ՝ ՄԲ)՝ նախադպրոցական-տարրական, միջին և ավագ տարիքային խմբերի ծրագրերով հավատարմագրված միակ հաստատությունը՝ «Շիրակացու ճեմարան» միջազգային գիտակրթական համալիրը (այսուհետ՝ ճեմարան), կատարում է մրցութային ընդունելություն Հայաստանի, Միյուտքի և արտերկրի նախադպրոցական տարիքի երեխաների և հանրակրթական դպրոցների շնորհալի սովորողների համար՝ ՀՀ պետական և միջազգային ամենաբարձր չափանիշներին համապատասխանող բարձրակարգ և լիարժեք կրթություն ապահովելու նպատակով:

Ճեմարանի առաքելությունն է կերտել ազգային հենքի վրա ձևավորված համամարդկային արժեքներ կրող իսկական մտավորական և քաղաքացի:

2010թ.-ից ճեմարանը «Ռաունդ Սքվեր» (Round Square) միջազգային դպրոցների համաշխարհային ասոցիացիայի լիիրավ անդամ է: 2008թ.-ից ճեմարանը ԱՊՀ երկրների ՄԲ դպրոցների ասոցիացիայի լիիրավ անդամ է:

2013թ. Ճեմարանի մանկակրթարան-տարրական դպրոցը (այսուհետ՝ կրտսեր դպրոց), 2014թ.՝ միջին և ավագ դպրոցները հավատարմագրվել են ՄԲ համաշխարհային գրասենյակի կողմից:

1990թ.-ից ճեմարանում իրականացվում է «Շնորհալի երեխաների բացահայտման, նրանց կրթության կազմակերպման և օժտվածության խնդիրների հետազոտման» հեղինակային կրթական ծրագիրը (հաստատված է ՀՀ կառավարության կողմից): 2014թ. նշված ծրագիրը ընդլայնվել և վերահաստատվել է ՀՀ ԿԳ նախարարության կողմից և ներկայումս լիարժեք ինտեգրում է ՀՀ պետական չափորոշիչի և ՄԲ համապատասխան տարիքային ծրագրերի պահանջները:

Բացի վերոնշյալից՝ ՀՀ կառավարության որոշմամբ արտոնվել է իրականացնել 11-12-րդ դասարաններում ՄԲ դիպլոմային ծրագիրը (ՄԲ ԴԾ, IB DP)՝ անգլերենով:

2010թ. «Մայրրոտֆթ» ընկերության համաշխարհային գրասենյակի կողմից ճեմարանը ճանաչվել է աշխարհի 56 ամենաառաջատար նորարար դպրոցներից մեկը:

1. Ճեմարանի բոլոր կառույցներում ուսուցումը կատարվում է վճարովի հիմունքներով, բացառությամբ 5-12-րդ դասարանների համար սահմանված քանակությամբ մասնակի պետական սուբսիդավորմամբ (այսուհետ՝ պետական համաֆինանսավորում) տեղերի, որտեղ ուսուցումը համաֆինանսավորվում է ծնողի և պետության կողմից:

2. Ճեմարանի կրթական կառույցներն են.

2.1. մանկակրթարան (3- 5 տարեկաններ)

2.2. կրտսեր դպրոց (1- 4-րդ դասարաններ)

2.3. միջին դպրոց (5-10-րդ դասարաններ)

10-րդ դասարանում ուսուցումը կազմակերպվում է չորս հոսքերով (հումանիտար, բնագիտական, տնտեսագիտական, ֆիզմաթ):

2.4. ավագ դպրոց (11-12-րդ դասարաններ).

11-12-րդ դասարաններում ուսուցումը կազմակերպվում է առարկաների լայն ընտրությամբ տարբերակված հոսքերով և/կամ ՄԲԴԾ ծրագրով՝ անգլերենով:



3. Սովորողների հաշվարկային թիվը կրտսեր դպրոցի խմբերում սահմանվում է 15, միջին և ավագ դպրոցների խմբերում՝ 18: Ուսումնադաստիարակչական գործընթացը կազմակերպվում է երկարացված օրվա աշխատակարգով: Սովորողներն ապահովվում են սննդով՝ ըստ հաստատված սննդակարգի: Անհրաժեշտության դեպքում՝ կարող է տրամադրվել հանրակացարան: Բոլոր սովորողների տեղափոխումը կատարվում է Ճեմարանի կողմից՝ **հատուկ տրանսպորտային միջոցներով, իսկ մանկակրթարանում և կրտսեր դպրոցում՝ համապատասխան մանկավարժների ուղեկցությամբ:**



1. ԱՌԱՋԻՆ ԴԱՍԱՐԱՆԻ ԸՆԴՈՒՆԵԼՈՒԹՅԱՆ ԳՈՐԾԸՆԹԱՑ

1. Առաջին դասարան կարող են ընդունվել մինչև տվյալ տարվա դեկտեմբերի 31-ը ներառյալ 6 տարին լրացող երեխաները:
2. Ընդունելության համար դիմումներն ընդունվում են մարտի 10-24-ը ներառյալ:
3. Ընդունելության դիմումները և անհրաժեշտ փաստաթղթերի ներբեռնումը կատարվում է դիմումների առցանց գրանցման համակարգի միջոցով (հղումը տեղադրված է Ճեմարանի պաշտոնական կայքում):
4. Հետազոտության իրականացման համար անհրաժեշտ է վճարել ընդունելության կանոններով սահմանված չափով քննավարձ:
5. Եթե ներկայացված դիմումի հիման վրա սույն Կանոնների 10 ա) և բ) ենթակետերով նախատեսված հանգամանքների հաշվառմամբ, Ճեմարանը հնարավոր չի համարում երեխայի ընդունելությունը և ծնողի հետ պայմանագրի կնքումը, ապա ծնողը անմիջապես ծանուցվում է դրա մասին, իսկ երեխան չի թեստավորվում: Սույն կետը որևէ կերպ չի բացառում սույն Կանոնների 10 ա), բ) ենթակետերով նախատեսված հանգամանքների դիտարկումը նաև դիմորդ երեխայի թեստավորումից հետո:
6. Ընդունելությունը կատարվում է հաշվի առնելով դիմորդ երեխաների՝ դպրոցին հոգեբանական պատրաստվածության հետազոտության արդյունքները, որն իրականացվում է դիմումների ընդունման հաջորդ օրվանից սկսած, մինչև մայիսի 20-ը, ինչպես նաև սույն կարգի 9-րդ կետով նախատեսված այլ հանգամանքները:
7. Մանկակրթարանի ավագ խմբի երեխաների ընդունելության համար բավարար պայման է դպրոցին հոգեբանորեն պատրաստվածության թեստի նվազագույն շեմի հաղթահարումը: Մյուս դիմորդների ընդունելության պայման է հետազոտության արդյունքում առավելագույն միավորները: Այսուհանդերձ, բոլոր դիմորդների համար հաշվի են առնվում նաև սույն կարգի 9-րդ կետով նախատեսված հանգամանքները:
8. Առաջին դասարանի սաների քանակը համալրվում է նախ մանկակրթարանի ավագ խմբի երեխաներից, համաձայն սույն կարգի 6-րդ կետի, որից հետո մնացած թափուր տեղերը բաշխվում են հետևյալ համամասնությամբ՝
 - 8.1. Մնացած թափուր տեղերի 60% հատկացվում է Ճեմարանում սովորող քույր կամ եղբայր ունեցող և Ճեմարանի աշխատակիցների երեխաներին՝ ըստ արդյունքների (Հանրակրթության մասին ՀՀ օրենքի 16 հոդվածի 1.1 մասի 1-ին կետ առաջնահերթության իրացման նպատակով):
 - 8.2. Մնացած 40% հատկացվում է նոր դիմորդ ընտանիքների երեխաներին՝ ըստ արդյունքների:



9. Կանոնների 8.1 և 8.2 կետերով սահմանված դիմորդների յուրաքանչյուր խմբի համար մրցույթը, որպես կանոն, անց է կացվում այդ խմբի երեխաների միջև՝ տվյալ խմբին հատկացված տեղերի քանակի շրջանակներում: Ճեմարանում սովորող քույր կամ եղբայր ունեցող և ճեմարանի աշխատակիցների երեխաներին հատկացված տեղերի չըացման դեպքում այդ թափուր տեղերը հատկացվում են նոր դիմորդ ընտանիքների երեխաներին: Ընդունող հանձնաժողովի որոշմամբ ճեմարանում սովորող քույր կամ եղբայր ունեցող և ճեմարանի աշխատակիցների երեխաները կարող են մասնակցել նաև սույն Կանոնների 8.2 կետով նախատեսված դիմորդների համար անցկացվող մրցույթին՝ վերջիններիս հատկացված տեղերի քանակի շրջանակներում:
10. Սույն կարգի 6 և 7 կետերով նախատեսված արդյունքների հիման վրա երեխային ընդունելու և ծնողի հետ պայմանագիր կնքելու վերաբերյալ որոշում կայացնում է Ընդունող հանձնաժողովը: Ընդ որում, երեխայի՝ հոգեբանորեն պատրաստվածության թեստի նվազագույն շեմի հաղթահարումը կամ հետազոտության արդյունքում առավելագույն միավորներ հավաքելը հանդիսանում է միայն ուղենիշ Ընդունող հանձնաժողովի համար: Երեխային ընդունելու և ծնողի հետ պայմանագիր կնքելու մասին որոշում կայացնելիս հանձնաժողովը հաշվի է առնում մի շարք այլ հանգամանքեր, այդ թվում՝ գնահատում է
 - (ա) նախկինում ճեմարանի հետ պայմանագրային հարաբերություններում գտնվող ծնողի կողմից իր պարտավորությունների պատշաճ կատարումը և/կամ ըստ երեխայի կարիքների՝ համագործակցումը ճեմարանի հետ,
 - (բ) երեխայի առանձնահատկություններով պայմանավորված կրթական կարիքների ապահովման համար անհրաժեշտ ռեսուրսների առկայությունը:
11. Չնայած սույն կարգի կանոններին՝ առաջին դասարանի թվով հինգ տեղերի բաշխման լիազորությունը պատկանում է ճեմարանի տնօրենին՝ բացառիկ դեպքերի (հոգեբանական, մանկավարժական և այլ խնդրահարույց դեպքեր) դիտարկման և որոշման կայացման նպատակով:
12. Մրցութային ընդունելության փուլը հաղթահարած դիմորդ երեխաների ծնողները տեղեկանում են ճեմարանի որոշման մասին անհատապես, բոլոր թեստավորումների ավարտից հետո 5-օրյա ժամկետում:
13. Դպրոցին հոգեբանորեն պատրաստվածության հետազոտության թեստի նվազագույն շեմը հաղթահարած, սակայն մրցութային ընդունելությունը չանցած դիմորդ երեխաները ընդգրկվում են ընդունելության պահեստային ցանկում՝ հետագայում թափուր տեղերի առկայության դեպքում ըստ իրենց հերթի դիտարկվելու համար: Այս երեխաների ծնողները նույնպես անհատապես տեղեկանում են ճեմարանի որոշման մասին բոլոր թեստավորումների ավարտից հետո 5-օրյա ժամկետում:



14. Դպրոցին հոգեբանորեն պատրաստվածության հետազոտության նվազագույն շեմը չհաղթահարած դիմորդ երեխաների ծնողները տեղեկանում են արդյունքների մասին թեստավորման հաջորդ օրը:
15. Խմբերի համալրումը հնարավորության սահմաններում իրականացվում է աղջիկների և տղաների թվի հավասարության սկզբունքով:
16. Խմբերի համակազմավորումն իրականացվում է կրտսեր դպրոցի հոգեբանական ծառայության կողմից. հաշվի են առնվում երեխաների թեստավորման արդյունքները, աղջիկների և տղաների հարաբերակցությունը խմբում, մանկակրթարանի սաների բաշխվածությունը առաջին դասարաններում:
17. Խմբի ավագ մանկավարժները պատահականության սկզբունքով վիճակահանությամբ ընտրում են արդեն ձևավորված խմբի համարը ուստարվա մեկնարկից անմիջապես առաջ:
18. Ընդունելությանն առնչվող չնախատեսված հարցերը վճռվում են ընդունող հանձնաժողովի կողմից:

2. 2-4-րդ ԴԱՍԱՐԱՆՆԵՐԻ ԸՆԴՈՒՆԵԼՈՒԹՅԱՆ ԳՈՐԾԸՆԹԱՑ

Կրտսեր դպրոցի 2-4-րդ դասարանների համար ընթացիկ ընդունելությունը կազմակերպվում է թափուր տեղերի առկայության դեպքում, ծնողի դիմումի (լրացնել կայքում [սպասման թերթիկը](#)) և մայրենի, ռուսերեն, օտար լեզու, մաթեմատիկա առարկաների գիտելիքների ստուգման, ինտելեկտի ընդհանուր զարգացման մակարդակը գնահատող թեստի արդյունքների հիման վրա: Ընդունելության բավարար պայման է նվազագույն շեմի հաղթահարումը:



3. ԱՆՀՐԱԺԵՇՏ ՓԱՍՏԱԹՂԹԵՐ (Առաջին դասարան)

Ընդունելությանը մասնակցելու համար անհրաժեշտ է առցանց ներկայացնել հետևյալ փաստաթղթերը՝

- դիմում-հայտ (այն կարող եք լրացնել անցնելով [հետևյալ հղմամբ](https://shirakatsy.am/forms) <https://shirakatsy.am/forms>),
- քննավարձի կտրոն,
**Դիմում-հայտերի ընդունման և ընդունելության գործընթացին մասնակցելու համար սահմանվում է 9,600 ՀՀ դրամ միանվագ վճար (քննավարձ), որը վերադարձման ենթակա չէ: Քննավարձն անհրաժեշտ է փոխանցել Ամիս քանկի տվյալ հաշվեհամարին՝ [1150003768028007](https://shirakatsy.am/forms):*
***Քննավարձից ազատվում են երկկողմանի ծնողազուրկ, զոհված ազատամարտիկների, բազմազավակ (5 և ավելի երեխա ունեցող) ընտանիքների երեխաները, Ճեմարանի մանկակրթարանի ավագ խմբի սաները, իսկ այլ դեպքերում՝ Ընդունող հանձնաժողովի որոշմամբ:*
- դիմորդի ծննդյան վկայական,
- դիմորդի հանրային ծառայության համարանիշ (ՀԾՀ) կամ ՀԾՀ չունենալու մասին տեղեկանք,
- դիմորդի լուսանկար (3x4 չափսի):

Մյուս անհրաժեշտ փաստաթղթերը ենթակա են պարտադիր ներկայացման ընդունվելուց հետո՝ պայմանագիր կնքելուց առաջ: Այդ փաստաթղթերն են՝

- տեղեկանք դիմորդի բնակավայրից,
- քաղվածք դիմորդի ամբուլատոր քարտից կամ տեղեկանք առողջության մասին (026 ձև, առկայության դեպքում), արտերկրից դիմորդների դեպքում՝ բժշկական ապահովագրություն ուսումնառության ժամանակահատվածի համար,
- դիմորդի ծնողների/խնամակալի անձնագրի պատճենները:

4. ՊԱՅՄԱՆԱԳԻՐ

Մրցույթով անցած դիմորդների ծնողների հետ կնքվում են կրթական ծառայությունների մատուցման պայմանագրեր:

5. ՀԵՏԱԴԱՐՁ ԿԱՊ

Հասցե՝ ք. Երևան, Նոր Նորքի 5-րդ գանգված, Գալշոյան փողոց, 15

Հեռ.՝ +374 10 66 82 81, +374 44 64 01 26

Էլ. հասցե՝ info@shirakatsy.am, admissionoffice@shirakatsy.am



ՀԱՎԵԼՎԱԾ

1. Ճեմարանում ընդունելության գործընթացը համակարգվում է Ճեմարանի տնօրենի հրամանով կազմավորված ընդունող հանձնաժողովի կողմից (Ընդունող հանձնաժողով):
2. Սահմանված ժամկետից դուրս ներկայացված դիմում-հայտերին ընթացք տալու որոշումը կայացնում է Ընդունող հանձնաժողովը՝ առանձին դեպքերում:
3. Ընդունելությանն առնչվող բոլոր չնախատեսված հարցերը վճռում է Ընդունող հանձնաժողովը:
4. Փաստաթղթերի էլեկտրոնային պատճենները ներբեռնվում են դիմումների առցանց գրանցման համակարգում ([հղումը](#) տեղադրված է Ճեմարանի պաշտոնական կայքում): Դիմումը համարվում է վավեր, եթե ներբեռնված են դիմումների առցանց գրանցման համակարգում աստղանիշով (*) նշված բոլոր փաստաթղթերը, իսկ ոչ աստղանիշով թվարկված փաստաթղթերը ենթակա են պարտադիր ներկայացման ընդունվելուց հետո պայմանագիր կնքելուց առաջ:
****Ուշադրություն. Դիմում-հայտը լրացնելուց հետո համակարգը ավտոմատ կերպով հայտում նշված էլ.հասցեին նամակ է ուղարկում՝ դիմումը հաջողությամբ ընդունվելու մասին:***
5. Սույն փաստաթղթով նախատեսված ժամկետները, ինչպես նաև այլ կարգավորումները կարող են փոխվել ըստ անհրաժեշտության: Փոփոխություններ լինելու դեպքում դրանք կհրապարակվեն www.shirakatsy.am կայքում: